

nico modo exstructæ ac munitæ sunt , rei-publicæ etiam forma , habitus , ac lingua , scribendique ratio eadem omnino , quæ apud Sinas : eadem quoque sacra , sacrorumque habent doctrinam , eam nimirum , quæ metempsychosim docet ; idem apud eos idolum Fe est ; philosophiæ dant operam & in studia diligenter incumbunt : defunctos vita non ante tertium à morte annum terræ mandant , sed veluti Sinæ , pulchre adornatis instructisque sarcophagis atque arctissime clausis , domi custodiunt , ac quot diebus honorem eis ac reverentiam exhibent , veluti necdum totis jacentibus aut mortuis , in observantiæ ac gratitudinis signum . Hoc uno fere differunt à Sinis , quod non tanta circumspeditione , neque tam arcte domi foeminae contineantur , quin subinde etiam in virorum consortio ac coetibus appareant ; quæ de causa male morati audiunt apud Sinas : quin imo & nuptiarum ac conjugiorum apud eos ratio prorsus à Sinensi discrepat ; quisque , quam vult , eligit in uxorem , sibi-que despondet mutua propensione voluntatum accedente , nulla fere habita parentum ratione ; quod contra fit apud Sinas , ubi per solos parentes contrahuntur stabiliunturque matrimonia in scio filio aut filia , atque illam quisque cogitur accipere in uxorem quam pater determinavit , cui contrarium tenere aut agere inurbanum ac barbarum vulgo credunt Sinæ : hujus rei rationem dant , adolescentulas nimirum adeo modestas ac pudicas esse debere , ut , si forte num nubere velint , interrogentur , ex modestia & verecundia dicere teneantur se nolle : adeo modestiam exterioram amant Sinæ , licet

Nuptiarum ac conjugiorum ratio.

alioquin satis ad omnem impudicitiam proni sint ac liberi , modo clam fiat .

Est regio Coreæ rerum omnium ferax . *Rerum copia.* Tritico abundat maxime & oryza , & quidem duplici , uti Japonia : illa nimirum , quæ in aquis feritur ac crescit ; & illa quæ in campis siccis , ut triticum solet ; quæ quidem huic regno ac Japoniæ propria est ac singularis , estque reliqua præstantior : fruges ac legumina reliqua læta profert , fructusque Europæos varios , pyra nominatim , eximii saporis . Papyri , uti & Japonia , varia conficit genera , optimosque ex luporum pilis penicillos , quibus ad scribendum utuntur Coreani ac Sinæ . Sandaracha , sive Gummi illud Cie , aurei coloris , nullibi melius est , quo , veluti apud Japones quoque , omnis generis supellectilem atque utensilia plurima illinire atque adornare solent . Ginseng radix hic quoque copiosa est : montes habet non paucos auro , argentoque gravidos ; nullum tamen hæc gens cum exteris habet commercium , si Japones Sinasque excipias : uniones ex mari Eöo haurit .

Montes nonnullos in Corea notant Sinæ , *Montes.* primus est Peyo , quem ad Borealem provinciam Kingki partem situm , longissimum atque altissimum esse volunt .

Vatu mons ad regiam Pingyang urbis Barrapeliotem , in quo Hanæ familiæ temporibus Ing Rex regiam habuit .

Xincao mons : Luyang mons circa Pingjang , etiam Barrapeliotem versus .

Hoang mons in provincia Chungcing .

Ly fluvijs in Kingki provincia regiam *Flumina.* alluit , ad occasum in mare prorumpit .

Tatung fluvijs in Pingan provincia .

A P P E N D I X D E R E G N O J A P O N I Æ .



Romiseram quidem aliquid etiam de Japonia addere ; sed quia alii ante me , ac potissimum Patres Societatis nostræ , accurate satis describere omnia , inter quos Maffæus noster ac Tursellinus eminent , adjiciam hic tantum quædam , tamquam appendicis loco , quæ vel ignorata ab aliis , vel incuria aut oblivione sunt prætermissa , quod in toto hoc meo opere maximopere observare

sum conatus : neque enim in eo multa ab aliis scripta iterum proponere volui , ut mutato nonnihil ordine ac stylo commentarium meum auferem , quod à plurimis nunc factitari videmus , qui quidem meo judicio actum agunt , demonstrantque nihil à se scriptum aut dictum , quod non scriptum sit prius .

Mappam imprimis de Japonia apposui satis accuratam , eam enim à probatis accepti auctoribus , cum Japoniam ipse nunquam adierim , nec à Sinis eam descriptam

V u

repe-